

JAORGANK 10 - 2016

# de Uulewapper

OETGAVE VAN SJTADSVASTELAOESVEL NIGING D'N UUL REMUNJ



## Sjors d'n Eerste


JEUGDPRINS D'N UUL 2016

# LEEF UULEKIENJER!

EN NETUURLIK OUCH LEEF 'ALLE ANGER KIENJER OET REMUNJ EN ÓMGAEVING!' WANT DE UULEWAPPER IS D'R NEET ALLEIN VEUR DE KIENJER VAN SJTADSVASTELAOVES-VERENIGING D'N UUL. MER VEUR ALLE KIENJER VAN REMUNJ DIEJ 'T SJOON VINJE ÓM IN 'T PLAT VAN ALLES TE LAEZE EUVER OZE JEUGPRINS EN EUVER NOG HEEL VÄÖL ANGER ÓNGERWERPE.

DE UULEWAPPER VAN DIT JAOR SJTEIT DUCHTIG VÖL EN DAOROM HAAJE VEER 'T VEURWAORD DIT JAOR HÉÉL KORT. OP EIN DINGK IN 'T BIEZONJER WILLE VEER DICH HEEL GAER WIEZE EN DET IS DE GEWELDige WOW-DEAL DAE HIEJÓNGER SJTEIT.

HEEL VÄÖL LAES- EN VASTELAOVESPLEZEER!



## **WOWDEAL VEUR DE KIENJER VAN D'N UUL. VEUR € 9,- KRIEG GEER:**

- 1x antree Kienjermusical
- 1 jaor graties lid van D'n Uul
- nog 'ne Uulewapper

Deze  
WOWdeal lop  
van 3 t/m 12  
jannewarie

# WOWDEAL

# ALLES ANGERS

tekst en meziek: De Marijkes

Nao jaore van disco waert 't tied  
Remunj aan de line, 't is zo wied  
Mit dit leedje en 'n nuje dans  
People come on, gaef uch noe mer gans!  
Let good op, zeet geer zo wied  
Clap your hands and stamp your feet  
Oh oh oh oooh, 1-2-3

## Refrain

Mit vastelaovend is alles angers  
Drie daag lank doon veer de line  
Van veur nao achter, van links nao rechs  
En noe mer lekker dreijje, it feels so fine  
Geine polonais mer countrymeziek  
Dao dreijt 't óm, let op en kiek  
Dans mer mit, zing mer mit  
De line-dance waert ein grote hit  
Ai jai jai jai, same danse, same aan de line  
Ai jai jai jai, countrymeziek it feels so fine

Mit de juuste outfit, de boots in de lak  
En mit vastelaovend de jeans lekker sjtrak  
Höb geer dao zin in, dan doot maar mit  
Geer kint de line-dance veurdet geer 't wit  
Let good op, zeet geer zo wied  
Clap your hands and stamp your feet  
Oh oh oh oooh, 1-2-3

Refrain 2x



# UULESJLAGER

Jiehaaa!!! Zo bliej zeen veer  
det veer de Uulesjlayer 2016  
höbbe gewónne! Dit jaor doon  
veer "Alles angers". Geine polo-  
naise mer de line dance. Deze  
dans kump vanne cowboys aaf.  
Dus zit uch de cowboyhood mer  
op en doot mit ós mit!



# NIEKS MÓT, ALLES VEER MAKE D'R EIN

## Sjors I Smeets, Sjtadsjeugprins van D'n Uul 2016

**"Nieks mótt, alles kan, veer make d'r ein sjpektakel van!"**

**Det is de liefsjpreuk van oze nuuje Sjtadsjeugprins van Sjtadsvaste-laovesvereniging D'n Uul 2016, Sjors I Smeets dae same mit zien twee adjudante, te weite Mick Overdijk en Scay Fonke, de Remunjse jeug moog veurgaon es Sjors d'n eerste. Mit z'n drieje kieke ze d'r al een tiedje nao oet om d'r same ein sjpektakel van te make veur jónk en aad.**

Sjors I is 'ne echte Remunjse jóng, 1 mei 2004 gebaore midde in 't Uuleriek, aan de Godsweerdersjtraot. Zien pap en mam Harald Smeets en Esther Verhagen zeen gein ónbekinde in de Remunjse vastelaovend en ouch zien zusje Björk sjitterde al 'ns es prinses! Sins kort wone ze oppe Geuljanslaan, lekker dich biej de skatebaan. Mit ouch nog 'ne kanarie en twee vèsse.

Sjors I is opgegreujd mit de Vastelaovend. Same mit zien zusje duit d'r al jaore mit aan de Kienjermiddag van D'n Uul. Zien vader waas in 1983 ouch al Sjtadsjeugprins van D'n Uul. En hae is de zoon van Herman (de opa van Sjors dus) van de indertied zeer populaire kroeg "Herman's Bierboetiek" aan de Sjuiteberg. Det kefee zal biej völ eljers nog waal bekind zeen...

Sjors zien Oma, Mariette Coenen, sjpeelde vreuger altied mit in de Bontje Aovend van Remunj. In 1995 waas pap Harald adjudant van Bacchus "Jos I" Becks. Mer ouch mam Esther waas al ins adjudant van Bacchus. Namelik in 2011 biej Bacchus "Jean I" Cox. En neet te vergate Bacchus "Loek I" Smeets dae in 1998 't nog altied bekind Bacchus-leedje "Mien Klup" waal meer dan 1000 keer haet gezónge, is 'ne ome van Sjors I.



# KAN, SJPEKTAKEL VAN!



In 't dageliks laeve geit ouch Sjors I geweun nao sjool. Namelik de "Sjeine Brök", in groep 8, biej meester Nicky. Zien adjudante Mick en Scay zitte biej hem in de klas.

Sjors duit ouch gaer Taekwondo. Dao mótt hae hel veur traine biej Lesley's Sjportstudio. Sjors is zo good det ter in 2015 zelfs eerste is gewaore op de Zuid Nederlandse Kampioenschappen. Verder maak Sjors gaer meziek op zien elektrische gitaar en haet ter same mit zien adjudante ein super vet vastelaovesleedje gemaak. Ze verheuge zich noe al op häör optraeje. En veural op de Sjolefestasie! Es Sjors van al det sjporten en meziek make honger haet gekrege it ter 't leefste eine pizza biej Tony, maar dae waat zien mam zelf maak is ouch heel lekker...

Sjors en zien adjudante zeen al heel lang vrunj. Scay Fonke is op 4 fibberwarie 2004 gebaore in Remunj. Zien eljers zeen Patricia Valkenburg en Joep Fonke. Scay woont midde in 't Uuleriek, oppe Sjiuiteberg. En ouch Scay is 'ne sjportieve jóng, hae sjpeelt mit vööl plezeer handjbal biej Sjwift.

Sjors I ziene angere adjudant, Mick Overdijk, is op 11 december 2003 gebaore in Paarlo. Zien vader en moeder zeen Gerrion Becks en Gerard Overdijk. Ze wone vlak biej Sjors aan de Buusjop Linda-nussingel. Mick is ouch 'ne sjportieveling en duit aan Taekwondo biej Lesley's Sjportstudio, same mit Sjors I en atletiek biej Sjwift.

Sjors I haet veurig jaor mit Scay en Mick same vastelaovend gevied. Toen zein ze ouch biejein blieve sjlaope en daa hóbbe ze 'n heel sjpektakel van gemaak... 't Waas dan ouch neet moeilijk óm zien adjudante te keeze en de zeer toepasselike sjpreuk te bedinke. Miet häöre liefsjpreuk "**Nieks mótt, alles kan, veer make d'r ein sjpektakel van!**" gaon zie de Vastelaovend 2016 in.



5

Sjtadsjeugprins

# sjors

6/12 EERSTE

van Renzij

Biej de grasij van Sjtadsvastelaovesvereniging  
Dn tul in t jaor 2016.

Gebaore midde in de sjtad en waa op de godweerdersjtraot en  
noe woonechtig aan de Burgermeester Geuljanswaeg in Remunij.  
Zoon van Aad-Sjtadsjeugprins Harald 1 en Esther Aad-Adjudente van  
Bacchus Jean 1. Brurke van Björk.  
artieste in de kienjer. musical van Dn tul.

AC DC

gaeve  
te kinne



uch hiejbiej  
태권도



versjtaon;

- Det vanaaf noe nioks meer goit zonger vastelaovesmeriek
- Veer nog gekker gaon doon dan det veer al deeje
- Veer gaon hosse, danse, sjpringe en vergaet veral neet te zinge
- Euveral wo veer komme veer flink zolle sjpektakelo
- Det de appel neet wiet van de boutm velt
- Det ich same mit mien adjudante Scay en Mick de Remunijse jeug laot mit sjpektakelo
- Doe al weit det de gedachte aan dees geweldige ervaring veur altied ein glimlach op mien gezich zal touvere
- Ouch eine kleine prins heel groot kan zein
- Det alle kienjer zo vaoel moze sjlokke es de elders beer drinkee
- Det veer sjtaon te popele om dr same mit uch eine snoone vastelaovend van te make

DIT ALLES önger oze liefsjpreuk:

NIEKS MÖT ALLES KAN VEER MAKE  
DER EIN SJPEKTADEL VAN!

Remunij 3 jannewarie 2016. ♪

# Galerie van (aad)jeugprinse mit häör adjûdânte

2014 Damiaan I en adjudante  
Jules en Jort



2015 Sem I, adjudante Rutger  
en Christophe en Prinselike  
Assistent Renske



2015 Toss I en adjudante  
Eunice, Sem en Jesse

Kiek veur de foto's  
van de ajere aad  
jeugprinse en häör  
adjudante en ouch  
veur de interviews  
op [www.dn-uul.nl](http://www.dn-uul.nl)

# 3 Generatie's

## 't Zit bie ós in de Femielie!



Oma Doortje van der Varst (vreuger Pesch) zoot al bie de damesgarde van D'n Uul In de jaore '50 (zie sjteit hie op de foto helemaal aan de rechterkantj)



Mama Monique Sijben haet ouch bie de kienjergarde gezaete in de sevetiger jaore  
Dit waas toen 't pekske.



En Noor zit ouch al 'n paar jaor in de kienjergarde



Fleur zoot bie de kienjergarde (hie op de receptie van Goof 1) en zit óngertösse bie de jeuggarde Hie op de foto waas Fleur 't jongste gardemaedje en Oma waarsjienlik 't aajdste



Jeuggarde 2014  
bie de kienjermiddaag

# HAR 'VAN BRAAM' JUNIOR

Taegewaordig zeen Giel en Maria de Bock-Hofman de baas bie 't Uulenes van SVV D'n Uul: Kefee Braam aan de Meules. Kefee Braam is de aajdste nog bestaonde kefee van Remunj en haet de innigste beugelbaan in Remunj.

Maar toet 10 jaor geleje waas Har Dirks de oetbater van Kefee Braam. Har waas 'n legendarische figuur es kastelein, veural vanwaege 't feit det hae zittend op 'n krök de ganse bar, meziek, köffie en kassa kós bedene zónger op te hove sjtaon. Hae kreeg 't zelfs geregelde det klantje die net binne kwame loupe "ave dit deenblaad beer veur die taofel" mitname. Volges ónbewestigde euverleveringe waas de bar zelfs op maot om Har haer. Väöl Pappa's, Mamma's mer veural Opa's en Oma's zalle zich Har waarsjienlik nog waal in volle glorie en hertelikheid kinne herinnere.

Óndanks det Har jaomer genög óngertösse al zó'n 10 jaor dood is, en hae 'm dus nooit gekind of gezeen haet, is Max Klaver (13) 'n laevende reincarnatie van Har. Zo aaf en toe hulp Max achter de bar es de Kienjer- en Jeuggarde oefene in 't Witte Kirkske. Max is prónpt wie Har heel bedreve óm zittend op 'n krök de bar te bedene. Vanaf die krök sjöd hae cola en liemenaad in, sjpeult de glazer en haet hae zich de mendjes mit koffielaepkelles en sòkker op ermlengte geïnsjalleerd. Hae zit zo waal in dezelfde 'enthusiaste' hajing wie Har; klaor óm uch zo lestig aan te kieke es d'r get móet doon wo 'opsjtaon' bie kump kieke. Kórdóm Har Junior!



# INTERVIEW

Door Luca Manders

## INGRID BREUGELMANS



1

### Waat vinjs se zo leuk aan de vastelaovend?

De vastelaovend is veur mich 't 5de sezoen in 't jaor, alles geit nog ins get extra laeve. Ederein moog effe alles vergaete en genete van al det sjoons det Remunj te beje haet. Pekske aan, schmink op de kuit en kieke wo in Remunj get te belaeve velt. Mit vastelaovend is 't namelijk euveral gezellig! Effe alle elenj van waereld achter dich laote en genete mit dien vrunj!

2

### Waat waar 't allerleukste wie-s doe dansdes bie D'n Uul?

Eder sezoen waar e feeske en ich höb d'r mien bëste vrundinne lere kinne. Veer höbbe ós sjef gelache óm kepotgesjeurde panties en ongelókskes bie 't danse (zoas wie ich toen van 't podium aafveel bie Roncalli). 't Allerleukste is en blief veur mich 't jaor det Danny I Vilters prins waar. V'r hadde zó'ne gezellige groep en 't gans sezoen waar ei groot hoogtepunt! Det jaor höbbe v'r de meis hilarische dinger mitgemack en ware v'r as damesgarde ouch ech 'ne óntzettend hechte groep wodoor 't ALIED gezellig waar!

3

### Waat haet dich d'r toe gebrach óm de kienjergarde te gaon traine?

In ein van mien lèste jaore kwame Carla en Lilian mich vraoge of 't mich leuk leek óm de kienjergarde te traine, ich zag medein JAO! Meziek en dans is get wo ich mit opgegreujd bön en wo ich nooit zónger zól kinne! Ich genoot en geneet altied as ich de kienjergarde zeen danse want dan weet ich weer wie erg de vastelaovend laef!

4

### Mit waem viers doe 't leefste vastelaovend?

Det is mit mien vastelaovesfemielie! Papa Piet, Nienke & Fon en netuurlik heurt miene vrundj dao ouch bie, al zeen ich dem meistal neet vööl tiedes die daag, ómdet hae zelf Aad-prins is van de Flaarisze in Gelaen en hae dao dus ouch vööl vastelaovend viert.

5

### As doe prins zóls zeen, wat zól dan diene sjpreuk zeen?

Poeh, ómdet ich nooit prins kin waere höb ich dao nog nooit euver naogedach, maar de sjpreuk van Pierre I Huyskens is de sjpreuk dae voor mich 't bëste bie de vastelaovend pas:  
"t Sjeel is sjoen, Sjpéel 't sjoon"

# Puzzel



"Ich wil d'r oet.  
Mer wie?"



Sjtreep al dees wäörd door. De letters die euverblyve vorme de oplossing van dit puuzelke.

Bacchus	Remunj
Einzelgänger	Schmink
Feeb	Sjans
Glaeske beer	Sjoes
Groepe	Sjoon möts
Joekskepel	Sjpas
Kaad	Sjtasieplein
Kirmes	Sjtedje
Kloeke	Trääöt
Lache	Vastelaovend
Leedjes	Verteer
Neet te kinne	Wazele
Oetgaon	
Optoch	
Paradies	
Prins	
Proos	
Pruuk	

S	E	I	D	A	R	A	P	S	J	E	E	R	N
D	O	O	N	S	E	M	R	I	K	P	E	I	D
N	N	D	O	J	E	A	A	E	E	G	E	P	A
E	E	S	A	O	B	G	O	O	N	L	R	R	A
V	L	E	G	E	E	L	R	A	P	I	S	O	K
O	E	J	T	S	K	G	G	E	N	T	J	O	N
A	P	D	E	T	S	L	I	S	M	K	O	S	I
L	E	E	O	W	E	S	F	G	E	U	O	C	M
E	K	E	W	Z	A	K	S	E	I	U	N	S	H
T	S	L	N	T	L	Z	I	A	E	R	M	J	C
S	K	I	J	O	G	N	E	N	P	P	O	A	S
A	E	S	L	A	C	H	E	L	N	J	T	N	S
V	O	V	E	R	T	E	E	R	E	E	S	S	T
E	J	D	E	T	J	S	S	U	H	C	C	A	B

# De Uulle Gazet

## De maedjes van Prestigiacomo

**Veer zeen Fabiana (20), Felicia (18), Vienna en Elisa (7). De vastelaovend zit d'r bie ós good in. Veer sjtónge al ingesjreve veur de gardes bie de gebaorte.**

Veer ware alle veer erg blie wie veer bie de gardes mochte. Veer danse mit super väöl plezeer bie D'n Uul. Neet allein 't danse is leuk, maar alles d'róm haer ouch. De evenemènte wo veer als oettrèkkend gezelsjap mit nao toe gaon, de miense die bie D'n Uul zitte en de gardes wo veer allemaal väöl mit kinne lache en plezeer mit höbbe. Aaf en toe danse veer mit z'n vere in de woonkamer, Vienna en Elisa doon häör denske dan veur en daonaq Fabiana en Felicia. Ouch is 't get óm trots/greuts op te zeen det veer alle veer bie de gardes zitte. Veer maedjes in ein gezin die allemaal dezelfde interesse höbbe en wie ajer des se wurs, wie leuker 't wurt. En óndanks 't drökke vastelaovessezoen, kómme veer ós döks zat taege, hove veer ós neet te misse en kinne veer ouch nog same vastelaovend viere. \*



### Twee uulkes mit eine uul

Sómmige kienjer van de Kienjergarde geit 't nog neet ver genög mit d'n Uul. Die haje zich zelfs in de zomer nog mit de Uule bezig. \*

# De Uule Gazeit

## ‘n Interview mit Rob Verstappen

Door Maud, Benthe en Luna

**Wie lang viers se al vastelaovend?**  
Vanaaf óngeveer mie 12e jaor

**Waat is de leukste act die se ooit höbs gedaon?** De ere-oppergroot vórs van gans groot Remunj. Mit de jubileum zóndigmorgebrunch van d'n Uul in de ECI

**Wie kinne veer Rob Verstappen trökkinne deze vastelaovend? Dus wie geis se verkleid?** Ich bón dit jaor de VOLLE HALF broor van Max Verstappen. Dus geer kint mich trökkinne in ‘ne laklaere formule 1 euveral.

**Waat vinjs se ‘t leukste aan de vastelaovend?** Det veer ein grote femielie zeen die same pleezer maken. Mit ó.a. aaj bekinde die ich eigelik eder jaor allein mit de vastelaovend taegekóm.

De optraejes sjmorges bie ‘t gaan in de Zóndig le Journal, kuukskesmaondig in de Tramhalte en in de piste bie Sirkes Willems. \*



## Frietkraom Top 4

Door Maarijn, Katja, Daphne - Jeuggarde

**Doe kins ‘t waal, ‘t is vastelaovend en róndj ‘n oer of 7 begins se toch ech hónger te kriege. Maar wo geis se dan haer?**

Netuurlik geis se dan friet aete. Veer zeen veur uch op zeuk gegange nao de bëste frietetente in Remunj. Veer höbbe oze top 4 al bie-ein en noe geer noch! Perbeer eder ‘ne angere frietkraom en maak ouch ‘ne top 4!

### Dit is oze top 4

#### Nummer 4: McDonald's

Hae is goodkoup en d'r is altied waal ‘n zitplek, sóms zeen ze te zalt maar det is zeker henjig veur de vastelaovend.



#### Nummer 3: Stadsfrieterie

Gezellig en lekker, maar d'r is neet zo väöl zitruumte.



#### Nummer 2: Automatiek

‘t Is lekker mekkelik en de frietjes zeen lekker knapperig en de lekkerste mayo van gans Remunj, ‘t is heel mekkelik as se aeve flot e frietje mit ‘ne snack wils, jaomer det d'r neet zo väöl zitruumte is.

#### En... nummer 1! Guus frietesalon

Netuurlijk oze nummer ein, de juuste balans tösse krokante en zaagte friet, en doe kins d'r op die gemaak zitte.



Veer winse uch nog ‘ne feine Vastelaovend!!


# UULE ART

## Sjtap veur Sjtap...

Wils se d'r mit de Vastelaovend op zien Uule bès oetzeen dan volge hie twee veurbeelde die se gemekkelik en floskins make.

Doe höbs neudig:

- |                      |   |                 |
|----------------------|---|-----------------|
| • cake make up       | • schmink                               | • sjpónspenseel |
| • penseel no. 0      | • sjtippelpenseel                       | • blomepenseel  |
| • plat penseel no. 2 | • uigskes óm te plekke en liem (mastix) |                 |



### Uulke Sara

Zo mós se aan de sjlaag gaon mit de volgende sjtappe:

- 1 Maak twee rundjes mit de sjpónspenseel
- 2 Maak mit raos 'n ómliening, daonao mit greun en zit twee zwarte sjtippe op de witte rundjes.
- 3 Maak e gael sjnaevelke, ómlien mit paars en maak mit de blomepenseel witte vaerkies
- 4 Bring mit zjwart mit de penseel no 0 dun lienkies aan en maak wimperkes baove de ouge.
- 5 Zit mit de sjtippelpenseel witte sjtipkes en maak de lippe raos en doe bös klaor mit de uul...



## Uulke Maud

- 1 Maak mit de sjpónspenseel e blauw rundje en maak aan de óngerkantj e puntje en maak eurkes.
- 2 Maak vanoef 't uulke tekskes mit broen/brons
- 3 Plek twee uigskes op en maak e sjnaevelke, zit klein witte sjtipkes op 't buukske en ómlien 't uulke mit penseel no 0 mit e dun lienke dónker blauw
- 4 Maak mit de blomepenseel bleumkes
- 5 Ómlien de bleumkes mit zjwart en zit mit de sjtippelpenseel witte sjtipkes en gaele in de bleumkes en maak de lippe raos.... Noe kint uulke sjtraole....



**Sjiek!**

# Ali Ba Ba en de

**Op zóndaag 31 jannewarie is 't weer zo wied, de nuje kienjermusical van D'n Uul wurt dan weer op de plenk van de Appelesienerie gebrach. Ouch dit jaor sjiteit de veursjtelling weer wie 'n hoes.**

## 't Verhaol

De allerajdste teikening (op 'ne sjtein) oojt gevónje in Nederlandj, kump oet de buurt van Remunj. Dit feit vórmpt 't oetgangspunt veur 't verhaol "Ali BaBa en de 40 Uulkes": E verzónne sjtökske gesjiedenis euver de kiem van 't óntsjaon van de Vastelaovend. Veer gaon trök nao 11.111 veur Christus, de tied wo-in ech jaegers en verzameleers laefde aan de kantj van Roer en Maas: de femielie Kezel.


De Kezelkienjer zeen sjtök veur sjtök geweldige vechters, allein 't aajdste Kezelke neet. Kezelke 11 is angers, hae hilt neit zo van jage... Moder is kwaad: Kezelke 11 is 'ne lapsjwans, 'n uulskuke! Zie sjtuurt 'm weg en hae moog pas trök kómme es hae zelf veur zien eige aete kint zorge....

Aan de angere kantj van de waereld is 't fees. 't Is 40 jaor geleje det Ali BaBa de 40 ruivers haet versjlage en det móét gevierz waere! Mit vööl kedootjes, heel vööl kedootjes: 40 van alles. Maar Ali BaBa is neet tevreje. Ali BaBa is noojt tevreje. Pas es hae 40 magische ejer krieg, mit dao in 40 magische uulkes, waert hae e bietje blie. Dees allerleefste uulkes kinne neet allein prachtig danse en zinge, maar ouch... golje ejer ligke! Alle eikes kómme sjtilkes oet, op ein nao: eike nummer 11. Ali BaBa zal dus nog efkes gedöld móette höbbe. Wanner ederein sjleup, kump eike 11 mit vööl sjpektakel toet laeve... Ali BaBa sjrik wakker, hae is kwaad: waem haet hem oet ziene sjlaop gehaold? Waat is det veur 'n aafsjuwelik lómp bees? En wat zaet dae toch allemaol? Maar veural: wie kriege ze hem sjtil? Nae, Uulke 11 liek in nieks op zien sjattige breurkes en zösterkes en hae verdwient in 't gevang.

Tja, dao zitte ze dan, helemaal allein: Kezelke 11 hie en Uulke 11 dao... Wie leuk zól 't zeen es Kezelke 11 en Uulke 11 bëste vrunj zólle kinne waere? Nou, verrassing, det geit gebeure! Wie? Det is e lank verhaol, maar veer kinne waal alvas verklappe det dit gebeurt dankzei 3 winse en 'ne geis oet 'n fles....



# 40 Uulkes



## De veursjtèlling

Al sins oktober zeen meer as 70 Remunjse kienjer same, edere zóndaagmorge aan 't rippetere óm veur alle miense van Remunj e sjoon kienjersjpeel op de bühne te zitte. 't Ganse sjpeel sjetit ónger de vakkundige en enthousiaste leijing van "t KM Team":

Marjan Minten	: Regeleer mit 'n grote R
Iris van Ginkel	: Teks/verhaol, tekste leedjes ABN, choreografie en regie
Marie-Anne van der Woning	: Vertaling teks, tekste leedjes dialek, zank en regie
Jet Derkx	: 1001 poot assistente
Joost van Dijk	: Componis leedjes bewakers en Sherazade, Vrunj veur 't laeve en meziekmontage

Zeet geer klaor veur e sjtòkske van de leukste gesjiedenis van Remunj? Kóm dan ouch nao ein van de twee veursjtèllinge van de Kienjermiddaa op zóndaagmiddaa 31 jannewarie 2016, in de Applesienerie in Remunj. Meer informatie euver de kaartverkoup via de Facebookpagina van de Kienjermiddaa D'n Uul.



17

# DE KIENJERGARDE VAN SJTADSVASTE

CHARLOTTE SCHMITZ

MAUD VAN ETEN

ELISA PRESTIGIACOMO

JENNA JAMBROERS

NOOR VAN DE VARST

NINA VAN ETEN

EVIE BOERSMA

LUCAS MANDERS

# ELAOVESVERENIGING D'N UUL 2015-2016



SOPHIE  
OPHEIJ



VIENNA  
PRESTIGI-  
ACOMO



PUK TROMP



BIBI  
FRENCKEN



ZOE  
VAN ASTEN

# De sjpraekbeurt

Bibi en Zoë van de kienjergarde zitte bie-ein in de klas op basissjool Aan de Roer. Veurig jaor höbbe zie same häör sjpraekbeurt gehaje euver gardedanse.

## Waat is gardedanse?

't Gardedanse is een van de zjwaorste óngerdeile van de danssjport. Veur de dans wurt meistal polkameziek gebroek, maar sóms ouch get hippers. In Nederland wurt 't gardedanse allein in 't zuiden gedaon.

't Gardedanse kump van vreuger, van 't Mariekedanse. De danseresse zóolle aan 't begin van de 19e eeuw gezelsjapsdames gewaes zeen van de sóldaote in 't leger. Dees maedjes hote marketensters.

Óngeveer 150 jaor geleje hele de prinse de marketensters en de sóldaote in 't leger e bietje veur de gek. De prinse ware de baas van de sóldaote. Die prinse maakde van de militaire groet 't ALAAF van noe. De dansende marketensters waerde vanaaf toen Dansmariekes geneump.

## Gardedanse es sjport

Gardedanse kins se ouch es sjport doon. D'r zeen wed-sjtrieje en toernoje. D'r zeen vööл regels bie de wed-sjtrieje zodet de jury punte kint gawe. 't Gardedanse is 'n echte topsjport gewaore. Op Youtube sjtaon sjoon filmkes van de wedsjtryed-gardedanse.

## 'n Kóerte gesjiedenis van de vastelaovend in Remunj

Óngeveer 100 jaor geleje óntssitinge de eerste carnavalsvereniginge. Det ware in Remunj de Smookers en de Flarusse. Die besjitinge allein maar oet jónge. In 1936 werde stadvastelaovesvereniging d'n Uul opgerich. In 2013 besijing d'n Uul 7x 11 jaor.

Óngertösse zeen d'r neet meer allein jónge, maar zeen d'r ouch maedjes bie de vastelaovesvereniginge. Dees maedjes danse bie de dansgardes: de damesgarde, de jeuggarde en de kienjergarde.

## De Kienjergarde van D'n Uul.

De kienjergarde van d'n Uul vierde in 2009 häör 5x11 jaorig besjtaon. De kienjergarde is e vas óngerdeil van 't groot oettrèkkend gezelsjap van d'n Uul.

't Groot oettrèkkend gezelsjap besjteit oet:

- De jeugprins, zien kienjergarde en de jeuggarde.
- De grote prins en zien damesgarde
- De raod van 11
- De prinsekapel veur de meziek

Same bezeuke zie de recepties van de anger prinse in en boete Remunj.

De dansgardes zeen 'ne enthousiaste groep maeđjes die vanaaf september eder waek traine óm de gardedans te oefene. Es in januari de jeugprins wurt oetgerope moge zie veur de eerste keer de gardedans aan de miense laote zeen. De jeugprins zal de dans aanbeje op de versjillende recepties wo zie same nao toe gaon.

## Sjoon!

Alle kienjer in de klas hinghe tiedes de sjpraekbeurt aan de lippe van Bibi en Zoë. Zie hadde ouch sjoon gardesjpkles mitgenaome: häör pekske, de witte laerskes, de jubileum medalie van D'n Uul en netuurlik de Uule-wapper. De juffrouw vónj 't 'n sjoon sjpraekbeurt en goof Bibi en Zoë kómplemente veur häör prizzentasie.



# Puzelc



Weit geer welke waeg  
ich móet pakke óm hiej  
oet te kómme?



L	E	Z	A	W	K	V	R	E	K	S	L	I	P
R	N	E	E	A	L	K	G	U	S	K	O	B	O
O	N	R	K	L	O	A	P	L	E	A	L	D	E
O	I	E	N	S	E	M	E	I	A	L	S	N	F
H	K	M	I	Z	K	M	Z	D	L	A	K	E	F
J	E	U	M	S	E	E	P	E	A	C	S	V	E
A	T	N	H	J	M	R	P	N	E	H	E	O	N
A	T	J	C	A	I	A	J	N	I	E	N	A	A
V	E	E	S	N	K	O	P	T	O	C	H	L	O
R	E	N	S	S	O	D	T	R	A	O	T	E	H
U	N	E	K	R	E	E	Z	E	L	P	J	T	O
N	I	E	L	P	R	E	T	S	N	U	M	S	E
D	O	R	S	J	P	R	A	E	K	B	A	A	S
J	R	E	V	I	E	Z	E	N	G	E	R	V	R

Sjtreep alle wöärd die ónger de puuzel sjtaan door. De letters die eu-verblyve vorme twee nuuj wäörd, die de oplossing van deze puuzel vorme. Sommige letters waere vaker dan eine keer gebroek.

Aad prinse	Joekskapel	Munsterplein	Rooj naas	Vastelaovend
Aaj hoor	Kammeraad	Neet te kinne	Schminke	Vrundj
Aanein	Kleur	Optoch	Sjans	Wazel
Böks	Lache	Pilske	Sjoon pekske	Zeiver
Effe nao hoes	Kloeke	Plezeer	Sjpraekbaas	Zenger
Glaas	Mezik	Remunjeneer	Träöte	

# DE VASTELA

E bontj lintj van wages, grote en klein groepe en einzelgangers, aafgewisseld door meziek van hermenie, famfaar en hermeniekes. De grote Vastelaovesoptoch van Remunj trèk op Vastelaovesmaondaag vanaaf 13.11 oer door de binnestad.

De optoch is eigelik det womit Vastelaovend oojt is begós: miense wólle veur eine daag ins aeve kinne lache euver häör dagelikse zorg door die e bietje belachelijk te make. Dóks deje ze dan asof ze emes angers ware (meistal belangrike luuj) óm die dan ouch e bietje euverdreve nao te doon en de sjpot mit häör te drieve. Daouveur verkleide zie zich wie dae persoon, deje e maske veur zodet ze neet te herkinne ware en trokke dan in optoch door de sjtad zodet ederein d'r óm kós lache.

In dae tied droge belangrike miense dóks pruke en dieke make-up. Wie groter de pruk en wie dieker de make-up, wie belangrieker of rieker det zie ware. Daomit waerde zie dus geímiteerd en zo zeen 't schminke en de pruke in de Vastelaovend terech gekómme.

Pas later gingé ze det kómbinere mit 't naosjpele van intochte van prinse en keuninginne. Daomit kregé de Vastelaovend zien Prinse, Vórste, Raod van XI, sjtads- en damesgardes, ongersjeijinge, scepters en proklamasies. Vastelaovend is dus eigelik drie daag neet doon wie of wat-s se normaal bös en ouch angere 'ne sjpegele veurhaje euver wie zie zelf zeen/ euverkómme.

## Mitdoon aan de Optoch

Es geer nog nooit aan 'ne optoch mit höb gedaon, höb geer ech get gemis! 't Is zóó óntzettend leuk om al die miense naeve de kantj nao dich te zeen kieke en applaus te kriege. Noch leuker is 't om same mit dien elders, femielie of vrunj mit te trèkke.

## Optochcommitee

De optoch waert eder jaor georganizeerd door de Sjtichting Vastelaoves Optoch Remunj, ouch bekind es 't Optochcommitee. Dees sjfichting duit nieks meer en nieks minder es 't organizere van de Remunjse Optoch op vasteloavesmaondaag door de binnestad. De deilnaemers aan de optoch waere door 4 groepe van 4 jurieleje gezjureerd. Zie gaeve punte veur prizzentatie, originaliteit en oetfeuring. D'r zeen 5 categorieje: einzelgangers, duo's, klein groepe, grote groepe en wages. In edere groep waere in totaal 3 prieze verdeild. De prieswinners waere nao aaflou bekind gemaak.



# LOVINGSOPTOCHT

## Mitdoon

Óm mit te doen aan de Grote Remunjse Vaste-laovesoptocht móet geer uch insjriewe es deilnaemer. Geer doot dan automatisch mit veur 'ne pries. Det insjriewe kint op drie daag in 't jaor: op maondaag, dinsdaag en woondaag twee waeke veur de Vaste-laovent. 't Insjriewe is dan van 19.00 toet 21.00 oer

bie Café Willems (De Sirk). Naem waal aeve Pap of Mam mit es geer uch wilt insjriewe óm mit te doen.

De juuste datums van insjriewe kint geer altied veuraaf vinje op de website [www.optoch-remunj.nl](http://www.optoch-remunj.nl) en netuurlik in de hoes aan hoes blaedjes in de regio. Deilnaeme kos verder nieks.




# UULE ART



Doe höbs neudig:

- Sjtök pepier
- Plakkaatverf
- Dien henj en veut  
en verder nieks.....





# DE JEUGGARDE VAN SJTADSVASTELA



Marijn Geurtz:  
15 jaar, dochter van aad  
Prins Roger I, hilt van meloen  
en mit de vastelaovend vinjij  
't meziek van Vleisboeket  
't sjoonste.



Bente Nuwenhuis:  
15 jaar, dochter van aad  
Adjutant Hennie, dochter van  
de Marijkes dame Nicole, hilt  
van andieviesjtamppot mit  
kees en vinjij Alles Angers  
e sjoon vastelaoves-  
nummer.



Luna Lambriex:  
14 jaar, dochter van aad  
Prins Crit I, hilt van pizza en  
mit de vastenaovend vinjij  
't meziek van Vleisboeket  
't sjoonste.



Lisa Willemsen:  
13 jaar, dochter van jeug-  
gardeleiding Esther, hilt  
van pizza en mit de vaste-  
laovend vinjij 't meziek van  
Vleisboeket 't sjoonste.

Maud Verstappen:  
15 jaar, dochter van de  
stagiair van Sybaer, hilt  
van friet en tosti's en vinjij  
Nooit Genög e sjoon vast-  
laovesnummer.

# AOVESVERENIGING D'N UUL 2015-2016



Fleur van der Varst:  
13 jaar, hilt van friet en  
mit de vastelaovend vinijt 't  
meziek van Vleisboeket 't  
sjoonste.



Ivy van Elven:  
13 jaar, hilt van lasagne  
en mit de vastenaovend  
vinijt 't meziek van  
Fabrizio 't sjoonste.



Daphne van Elven:  
16 jaar, hilt van kip cordon  
blue en mit de vastelaovend  
vinijt 't meziek van  
Vleisboeket 't sjoonste.



Gwen van Dronkelaar:  
12 jaar, hilt van tortilla  
en mit de vastenaovend  
vinijt 't meziek van  
Fabrizio 't sjoonste.



Emma Stiphout:  
14 jaar, hilt van pizza  
en mit de vastelaovend  
vinijt 't meziek van  
Vleisboeket 't sjoonste.

# DÖBBELINTERVIEW

## PRINS VAN D'N UUL STEFAN I

### **Waas 't al ooit 'ne druim van uch óm Prins te waere?**

Ich höb 't altied gehoop det ich 'ns 'ne keer Sjtadsprins zól moge waere, mer dan dach ich altied 'det vraoge ze mich toch neet'. En dan waert dao in eine keer die vraog waal gesjteld. Waat der dan door dich haer geit is neet te besjrieve. 'n Geveul van wwwwwww tegek, geweldig en dao nao mich zelf in de wang kniepe óm te veule of ich neet druimde.

### **Höb geer drek "jao" gezag of móos geer d'r nog effe euver naardinke?**

Ich weit 't nog wiej de daag van giester det ich gevraog waerde. Mien antjwaord had ich metein klaor en det waas vólmondig "jao". Toen mien vrouw Corine binne kwaam, wis ze metein wó 't euver ging en ze sjtóng voll-edig achter mien antjwaord. Ich krieg d'r nog sjfeeds kippevel van as ich d'r aan truuik dink.

### **Wie zeet geer toef de keus van de leje van eur prinselik gezelsjap gekómme?**

Ich wis al heel vreug waem ich dao veur zól vraoge. Ich had twee officiële aanvraog-formuliere-adjudant gemaak. Wiej Leon zien formulier zoog, waas ter zo gek wiej 'n deur, nog veur det ter 't had gelaeze. Toen Harald det veur hem loos waerde d'r gans bleik, mer zag ter drek jao. De sjefeur... tsja. Welke vrundj viert vastelaovend en drink neet? Leon móos toch al taege Vasco zegke det ter adjudant waerde óm vriej te vraoge, dus Vasco wis al get. Wiej der heurde det veer 'ne sjeför zóchte, zag hae 'jao' en toen waas 't prinselik gezelsjap kópleteet.

### **Noa welk ivvenement kiek geer 't meiste oet?**

Zelf dink ich det eder ivvenement sjiek is. Mer as ich dan toch ein keus móot make gaon ich veur de Sjtasiefestasie en 't toepe mit de Prins. Op de Sjtasie vinj ich 't geweldig mit det volk waat helemaal los geit op de meziek van die artieste. En de toepao-vend is in 't gezelsjap van allein mer prinse, adjudante, sjefäörs en vórste die dan aeve helemaal zichzelf kinne zeen.

### **Gaot geer 't misse óm mit al eur vrunj vastelaovend te viere?**

Zeker neet, dit is ein 'once in a lifetime' kans die ich nooit meer zal kriege. De adjudante en de sjeför zeen vrunj van mich en de anger vrunj zeen mien 'body guards' ónger de naam De Bilie's. Same mit dees miense óm mich haer en 't gevolg van D'n Uul weit ich zeker det ich nieks mis. Dalik kómme veer gans in dae 'flow' van de vastelaovend en waare veer allemaal mitgezaoge.



### **Waat vindj geer 't meis biezónjere óngerdeil van eur prinsepak?**

Ich vinj 't ganse pak erg sjoon. 'ts een heel bezónjer nuuj pak. Veur 't eers in de gesjiedenis is 't sjtadswaope van Remunj in de keep en opde bórs gesjtik. Der zitte väöl details in en 't blauw in 't pak is 't zelfde es in mien móts. En ich bön netuurlik heel greuts op die twee super sjoon vaere op mien móts. Det zeen namelik de langste vaere die d'r te kriege zeen en die wappere zo sjoon achter mich aan.

### **Waat wilt geer de laezers van deze Uulewapper nog laote weite?**

Ich wil taege ederein zegke det ich d'r heel erg nao oet kiek óm mit ederein deze vastelaovend same te viere. Lekker genete van alles waat veer gaon belaeve. En, jónk of aad, groot of klein, ich sjpraek mit ederein en det ónger miene liefsjpreuk: waat ein gelök, veer zeen ós dök.

## **JEUGPRINS VAN D'N UUL SJORS !**

### **Waas 't al ooit 'ne druim van uch óm Prins te waere?**

Veurig jaor dach ich: "Noe sjtél dich ins veur det ich Jeugprins zól kinne waere". Toen höb ich taege Scay en Mick gezag: "Es det ech zo is, dan waert geer mien adjudante!"

**Höb geer drek "jao" gezag of móts geer d'r nog effe euver naodinke?**  
Metein drek "jao"!!

### **Wie zeet geer toet de keus van de leje van eur prinselik gezelsjap gekómme?**

Veer zeen gooï vrunj, al heel lang. Veer zitte biej elkaar in de klas op de Sjfeine Brök, veer viere same vastelaovend, veer höbbe logeerpatickes, veer sjpraake regelmaotig aaf óm get leuks te doon en veer höbbe veural väöl lol same.

### **Noa welk ivvenement kiek geer 't meiste oet?**

De Sjolefestasie! Want 't liek mich ech vet óm dao ós leedje te zinge.

**Gaot geer 't misse óm mit al eur vrunj vastelaovend te viere?**  
Dit jaor vier ich de vastelaovend mit gans Remunj! En dus ouch mit al mien vrunj!

### **Waat vindj geer 't meis biezónjere óngerdeil van eur prinsepak?**

De Prinsemóts en veural de vaere.

**Waat wilt geer de laezers van deze Uulewapper nog laote weite?** Nieks mótt, alles kan, veer make d'r ein sjpektafel van! En natuurljk: sjöne vastelaovend same!





# SJNAPS- NAAZE BAL

OUCH DIT JAOR VINTJ 'T TRADITIONELE  
SJNAPSNAZE BAL PLAATS MIT ES THEMA:  
**MINIONS**

HÖBS DICH ZIN IN SJPELKES EN VETTE MEZIEK,  
KOM DAN BIEJ OS LANGS EN SAME MAKE VEER  
D'R EINE SJOONE MIDAAG VAN. OUCH DE STAD-  
SPRINS EN STADSJEUGPRINS ZULLE MIT HÄÖR  
GARDÉS BIEJ OS AANKOMME.

## MAAR DET IS NOCH NEET ALLES!

VEER HÖBBE DIT JAOR OPPE MOANDAAG  
VANAAF 16:00 OER TOET 16:20 OER EEN  
SJOON OPTRAEJE VAN: **SPIK 3 SPAN**

- WANNEER : ZAOTERDAAG 6, ZONDAAG 7, MAONDAAG 8  
EN DINSDAAG 9 FEBRUARI
- WO : T WITTE KIRKSKE (VEURSJAD)
- WIELAAT : ZA T/M MA 16:00 TOET 20:00 / DI: 14:30 - 17:30
- DOELGROEP : 0 T/M 12
- ENTREE : GRATIS EN VEUR NIEKS!

TOET  
DAN!



# De Uulle Gazet

## Veurbereijinge Jeuggarde...

**Veer gaon get vertèlle euver de veurbereijinge veur de Jeuggarde.**

In de zomervekantie is d'r altied 'n bie-einkóms mit de Jeuggarde. Óm zich taegenein baeter te lere kinne en veur de gezelligheid. Dit jaor hele veer 'ne High Tea en had ederein lekker hepkes mitgenaome. Veer besjpraeke dan ouch waat veer in 't nuuj jaor gaon doon en op welk nummer veer danse.

Nao de zomervekansie beginne veer mit traine in 't Witte Kirkske. Veer traine 1x per waek. Dan beginne veer aan oze Jeuggardedans en aan de Kienjermiddaagdans. Veer beginne eers mit de Jeuggardedans, en as veer dae aaf höbbe beginne veer mit de Kienjermiddaagdans. Veur de kienjermiddaagdans höbbe veer altied e blie nummer, det pas bie 't thema óm op te danse. Tössedoer waert d'r gekeke of alle pekskes en sjoon nog passe. Dit jaor kriege veur nuuj rökskes en dao zeen veer heel greuts op. \*



## Puzzel mit: rebussen

- 1: + i - nk   + ba - p   + tig - p   + i = g   - p   +
- 2: va+ + ao + - c   dr+ + ao - b o' = v   + jt - b   - b

# MOPPETROMMEL!

**MUPKE!**

JANTJE ZIT IN DE KLAS EN ZAET:  
"BROEM BROEM BROEM BROEM"  
DUS DE JUFFROUW ZAET:  
"JANTJE WILS SE OPHAJE DAOMIT?"  
WO-OP JANTJE DOOR BLIEF GAON:  
"BROEM BROEM BROEM BROEM"  
EN DAN ZAET DE JUFFROUW:  
"JANTJE GANK NOE MAAR DE KLAS OET"  
"NAE" ZAET JANTJE "DET KINT NEET,  
MIENE BENZIEN IS OP!"

TEUNTJE GIF SJTRAKKES ZIE KIENJERFEESJE. ZIE  
MODER ZIT ALLEMAOL FLESSE LIMMENAAD IN DE  
IESKAS EN DAN ZIT TEUNTJE OUCH NOG 'N LAEG  
FLES IN DE IESKAS. VREUG ZIE MODER: "WORÓM  
ZITS DOE 'N LAEG FLES IN DE IESKAS?" "VEUR DE  
KIENJER DIE GEINE DÓRS HÖBBE!"

**MUPKE!**



**MUPKE!**

KOENTJE KUMP THOES  
EN BEGINT TE LACHE. VREUG PAP:  
"WORÓM LACHS DOE?" WO-OP  
KOENTJE ZAET: "ICH MÓT 500 KEER  
SJRIEVE: "IK BÖN 'NE AEZEL." PAP:  
"WAAT IS DAO DAN ZO LEUK AAN?"  
KOENTJE: "DOE MÓS DEM  
ÖNGERTEIKENE!"

DE ELDERS VAN FLEURKE ZEEN  
HEEL ZUNIG MIT GELDJ. FLEURKE  
KUMP THOES MIT 'NE FOLDER  
WO-OP SJETIT DET D'R MORGE  
E FEES IS IN DE SJPEELTUIN.  
FLEURKE: "KIEK MAM EN PAP,  
D'R IS MORGE E FEES, KIENJER  
HALVE PRIJS! GEWELDIG HÉ?  
NOE KINT GEER EINDELIK INS  
VEURDEILIG E BREURKE VEUR  
MICH KOUPE!"

**MUPKE!**



AANSJLOEDE

MAUDJE KUMP BIE DE KASSA EN  
GEIT VAORT VEURAAN SJTAON.  
ZAET DE KASSIÈRE: "GANK DOE  
INS ACHTERAAN SJTAON!"  
ANTJWAORD MAUDJE: "DET GEIT  
NEET MEVROUW, WANT DAO  
SJTAON AL MIENSE."

**MUPKE!**



"WAAT WILS SE LATER WAERE JUULKE?"  
VREUG OPA. "NACHBEWAKER" ZAET JUULKE.  
"WORÓM NACHBEWAKER?" VREUG OPA.  
"DAN HOOF ICH SAOVES NOOJT MEER  
VREUG NAO BÈD EN MOOG ICH OPBLIEVE!"

**MUPKE!**

TOMMIE KUMP BÄÖKEND DE KEUKE BINNE. "MAM,  
MAMI!" BRULT D'R. "PAP HAET ZICH MIT DE HAMER OP  
ZIENE DOEM GESJLAGE!" "MAAR SJAT, DAO HOOPS  
DOE TOCH NEET OM TE BÄÖKE?" "EERS MÓS ICH OUCH  
LACHE, MAAR..."

**MUPKE!**

# DOOT MER GEK, DET IS HIEJ GEWEUN!

TEKS: ESTHER VERHAGEN

GANS REMUNJ ÓNTWAAK,  
SJMENK OP DIENE SJNOET

VÄÖL SJPEKTAKEL, EIN GROOT FEES!

KONFETTI IN MIEN HANDJ,  
OPTOCH IN UULELANDJ

VASTELAOVEND KUMP D'R AAN!

EN ES DE BLIKSEM DAN WEER  
INSJLEIT,  
'T GEVEUL ECH NEET EUVER GEIT

KLEURT ALLES ROOD, GAELEN GREUN,  
DOOT MER GEK, DET IS HIEJ GEWEUN

HAAJ VAN 'T LAEVE,  
ICH HAAJ OUCH VAN DICH,  
TOUVER EINE LACH OP DIEN  
KNAP GEZICH

LOESTER INS ICH HÖB  
NUUJTS VEUR DICH!  
'T GROOTSTE FEESVÈRKE  
DET BÖN ICH!

EN ES DE BLIKSEM DAN WEER  
INSJLEIT,  
'T GEVEUL ECH NEET EUVER GEIT

KLEURT ALLES ROOD, GAELEN GREUN,  
DOOT MER GEK DET IS HIEJ GEWEUN

GEINE LUIE DAAG,  
EIN GROOT AVONTUUR

VÄÖL SJPEKTAKEL EIN GROOT FEES!

DE SCEPTER IN MIEN HANDJ,  
TRËK ICH DOOR UULELANDJ

VASTELAOVEND KUMP D'R AAN!

EN ES DE BLIKSEM DAN WEER  
INSJLEIT,  
'T GEVEUL ECH NEET EUVER GEIT

KLEURT ALLES ROOD, GAELEN GREUN,  
DOOT MER GEK DET IS HIEJ GEWEUN

HAAJ VAN 'T LAEVE,  
ICH HAAJ OUCH VAN DICH,  
TOUVER EINE LACH OP DIEN  
KNAP GEZICH

LOESTER INS, ICH HÖB  
NUUJTS VEUR DICH!  
'T GROOTSTE FEESVÈRKE  
DET BÖN ICH!



# VÓRS DIRK I

**Vanaaf 1948 haet D'n Uul 'ne Vórs. Det is get meer dan 11 jaor naodet D'n Uul op 11 november 1936 is opgerich.**



Vórs Dirk I is de 7e Vórs van D'n Uul. Hae is 34 jaor en daomit de jongste Vórs dae D'n Uul ooit gehad haet. De Vórs haet 'n aantal heel belangrike take. Ein van de belangrikste is 't insjtallere van de Sjadsjeugprins, de veurgenger van alle kienjer en jong luuj in 't Uuleriek en van alle laezers van deze Uulewapper. Oeteraard insjtalleert de Vórs ouch de grote Sjadsprins. Es 't Groot Oeffrèkkend Gezelsjap (Prins, Damesgarde, Prinsekepel, Raod van XI) of 't Kleine Oeffrèkkend Gezelsjap (Jeugprins, Kienjergarde, Jeugdgarde) op paad geit en biej an gere ivvenemente sjprak de Vórs names D'n Uul.

Dirk haet veer kinmerke wó aan des se 'm kins herkinne es Vórs van D'n Uul.

- 1) 'n Möts diej der get angers oet zuut es de möts van de leje van de Raod van XI.
- 2) Drie lang vaere op de möts, veur mood, beleid en troew.
- 3) De Vórstekitting van de vereiniging. Diej kitting is al in 1948 gemaak. In de Vórstekitting zitte de kleure rood, gael en greun verwirk, same mit klein 'Uuleköpkes' en 'n groot sjild mit 't gemeintewaope van Remunj versierd mit 'diamantjes'.
- 4) 'ne Scepter in de vorm van 'n zilverre 'Uuleköpke' op 'ne houte sjtaefke.

Oppe foto zeet geer ouch de medalie diej Dirk veurig jaor haet gekrege van alle gardekienjer, -maedjes en -dames. Diej is gemaak van glas in lood en daoróm zal der diej neet dök drage.



34  
Vórs Dirk vónj 't heel belangrik det de kienjer van de Kienjergarde en de maedjes van de Jeuggarde der biej kóste zeen biej zien insjtallasie op 21 november 2015. Daoróm is op zien speciaal verzeuk diej insjtallasie al vreug begós. Hae waas heel blieb det dees gardes mit zo vööl leje aanwezig ware. En hae waas ouch heel blieb mit 't sjieke kedo det hae van häör kreeg. 'n Sjiek zilverre sjpeldje wóvan der haet belaof det ter det altied op zien rókkestuum zal drage.

Vórs Dirk I zal in 't sezoen zo dök es det meugelik is mit Jeugprins Sjors I en zien adjudante Mick en Scay, de Kienjergarde en de Jeuggarde mit op sjifap gaon. Hae vindj det namelik belangrik en veural héél erg leuk!!



## COLOFON

Hooffriddakteur:  
**Juulke**

Riddaksie:  
**Hein Jambroers**  
**Roel Hendriks**  
**Hetty Jacobs-Wiermans**

Mit dank aan:  
Jeugprins van D'n Uul 2016: Sjors I  
Prins van D'n Uul 2016: Stefan I  
Vórs Dirk I  
Luca Manders  
Maarijn, Katja & Daphne  
Maud, Benthe & Luna  
Karin Straus  
Mietzie Hendrix  
Esther Willemsen  
Marijn van Etten-Baars  
Fabiana Prestigiacomo  
Ronald Klaver  
Marjan Minten  
Jean Gouders

Fotoos:  
Foto Studio Bongers  
Femielij Smeets  
Luca Manders  
Maarijn, Katja & Daphne  
Maud, Benthe & Luna

Karin Straus  
Mietzie Hendrix  
Esther Willemsen  
Marijn van Etten-Baars  
Fabiana Prestigiacomo  
Peter Kessels Fotografie

Oetgaaf:  
Sjtadsvastelaovesvereniging D'n Uul  
Posbos 11, 6040 AA Remunj

Vormgaevig:  
Ontwerpburgo M  
[www.gewoonm.nl](http://www.gewoonm.nl)

Drök:  
ARS Printmedia

Ketak:  
[www.dn-uul.nl](http://www.dn-uul.nl)  
[uulewapper@dn-uul.nl](mailto:uulewapper@dn-uul.nl)

Copyright 2016  
Alle sjrieversrechte mit betrekking  
toet de inhald van dees oetgaaf  
waere oetdrökkelik veurbahaje.  
Dees rechte beröste biej  
Sjtadsvastelaovesvereniging D'n Uul  
Remunj ofwaal biej de betreffende  
sjriever.





# D'N UUL PRIZZENTEERT VEUR DE JEUG VAN REMUNJ...

**03-01-2016** **Middaag van de Nuuje Sjtadsjeugprins  
van D'n Uul | Oranjerie**  
Vanaaf 14.00 oer

**24-01-2016** **Resepsie Sjtadsjeugprins van D'n Uul |**  
**'t Witte Kirkske. Vanaaf 13.00 oer**

**30-01-2016** **Vastelaoveskirkdeens | St. Christoffel Kathedraal**  
**Óm 18.30 oer**

**31-01-2016** **Kienjermusical mit naozit | Oranjerie**  
**Veursjtèllinge óm 13.30 en óm 15.30 oer**

**05-02-2016** **Sjolefestasie | Sjtasieplein**  
**Van 13.00 toet 17.45 oer**

**06-02-2016** **Sjnapsnaazebal | 't Witte Kirkske**  
**Van 16.00 toet 20.00 oer**

**07-02-2016** **Sjnapsnaazebal | 't Witte Kirkske**  
**Van 16.00 toet 20.00 oer**

**08-02-2016** **De Grote Optoch | Remunj**  
**Vanaaf 13.00 oet**

**08-02-2016** **Sjnapsnaazebal | 't Witte Kirkske**  
**Van 16.00 toet 20.00 oer**

**09-02-2016** **Sjnapsnaazebal | 't Witte Kirkske**  
**Van 14.30 toet 17.30 oer**

**09-02-2016** **Aaftraeje Sjtadsjeugprins van D'n Uul |**  
**'t Witte Kirkske. Vanaaf 16.00 oer**

